



Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 64. Callixtinorum errores in Bohemia.

[urn:nbn:de:hbz:466:1-67025](#)

Sæcul. XVI. ac tunc nonnisi decimum octavum æta-
A.C. 1504 tis annum agebat: Ferdinandus igitur
hujus nuptias ambiens, Oratores suos ad
Ludovicum XII. decrevit, quæsito Ista-
bellæ mortem nunciandi obtenu. Rex
Legatis perbenigne exceptis, dolenter
mærorem de Reginæ obitu testabatur,
iisdem vero de Archiduce, ejusque con-
filiis sermonem inspergentibus, Rex non
minus, quam ipse Ferdinandus adversari
videbatur; attamen cum hæc omnia
minime præcipuum legationis caput re-
spicerent, haud diutius illis immorati,
fine ambagibus exponebant, Regem eo-
rum Dominum nuptias cum Ludovici
Nepte efflagitare. Rex quidem primo
tergiversari, ætatis inæqualitatem cau-
sari, atque obtendere, quod Ferdinandus
potiori jure ejus Pater quam sponsus es-
set habendus; tandem vero eorum vo-
tis acquievit.

§. LXIV.

*Callixtinorum errores in Bo-
hemia.*

Bossuet. hist. de variation. tom. 2. in 4. lib. XI. Interim in Bohemia, & Moravia errores
suos spargere pergebant Callixtini, sic
dicti, quod usum calicis in sacra Synaxi
etiam Laicis omnino necessarium trade-
rent. Hujus Sectæ caput erat Jacobel-
lus, qui calicem unacum pane admini-
strauit.

strandum docebat, cuius errorem Bohemii amplectebantur, postquam crebris disceptationibus ultro citroque habitis, tandem eis Basileense Concilium pacis studio Communionem sub utraque specie indulserat, edito hanc in rem concordias diplomate, quod *compactatum* appellare solebant. Verum progressu temporis his minime contenti, Calicem etiam infantibus recens baptizatis propinandum contendebant, & Rochisana eorum Coriphæus, & Presbyter, ac Jacobelli Discipulas, cum esset Vir ambitione tumens, ac Pragensem Archiepiscopatum aucupandi spe dejiceretur, omnibus viribus impedire nitebatur, ne Bohemi ad Ecclesiae Romanæ sinum redirent.

Sæcul. XVI.

A.C. 1504.

§. LXV.

Fratrum Bohemorum Sectæ initia.

Ceterum Calixtinorum secta æque ac Bohemorum fratrum, qui veterum Taboritarum a Podiebracio exterminatorum funestæ erant reliquiae, in Bohemia semper prævalebat, donec Lutherus ad suam hæresin hos & illos pertraxisset. Prius vero Bohemi Fratres suorum numero adeo excreverant, ut novæ sectæ societatem conflarent, cuius Antesignanum quemdam Sutorem, nomine Petrum

M m 2 Kele-

